



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАРЛАР

2016 жылғы 7 қазан

О. Смоляков – валюталық реттеу және бақылау тетіктерін жаңа экономикалық жағдайларда жетілдіру туралы

Елдегі валюталық реттеу мәселелеріне қатысты заң жобаларының мақсаттары туралы бүгін Заң жобалау қызметі мәселелері жөніндегі ведомствоаралық комиссия отырысының барысында ҚР Ұлттық Банкі Төрағасының орынбасары Олег Смоляков айтып берді.

Оның айтуынша, «Валюталық реттеу және валюталық бақылау туралы» Заңның жобасын, сондай-ақ оның ілесімі заң жобасын әзірлеу «Заң шығару жұмысының 2016 - 2021 жылдарға арналған тұжырымдамалық жоспарында Үкіметке 2017 жылғы қазанда және Парламентке желтоқсанда енгізу мерзімімен» көзделген.

«Заң жобаларын қабылдау ырықты валюталық реттеудің және валюталық бақылау мақсаттары өзгермеушілігінің тұжырымдамалық қағидаттарын сақтай отырып валюталық реттеу және валюталық бақылау тетіктерін жаңа экономикалық жағдайларда жетілдіруге бағытталған», – деді өзінің сөйлеген сөзінде Ұлттық Банк басшысының орынбасары.

Ол Қаржы секторын дамытудың 2030 жылға дейінгі тұжырымдамасымен Ұлттық Банктің алдында қаржы секторының тиімділігін экономикалық ықпалдасу және жаһандану жағдайында арттыру міндеті қойылғанын еске түсірді. «2020 жылға дейін Қазақстан Республикасы Дүниежүзілік сауда ұйымына кіргеннен кейін өтпелі кезең аяқталады деп күтіледі, содан кейін шетелдік банктер мен сақтандыру (қайта сақтандыру) ұйымдары филиалдарының Қазақстанның қаржылық қызметтер нарығына кіруіне мүмкіндігі болады, – деп хабарлады ол. – Осыған байланысты заң жобаларын әзірлеу отандық, сол сияқты шетелдік қаржы ұйымдары үшін симметриялық валюталық реттеуді құруға, сондай-ақ шетелдік ұйымдардың Қазақстанда жұмыс істейтін филиалдарының резиденттілігін айқындаудың тәсілдерін өзгертуге бағытталған».

Бүгін ҚР Ұлттық Банкі Төрағасының орынбасары Олег Смоляков Заң жобалау қызметі мәселелері жөніндегі ведомствоаралық комиссияның «Валюталық реттеу және валюталық бақылау туралы» және «Қазақстан Республикасының кейбір заңнамалық актілеріне валюталық реттеу және валюталық бақылау мәселелері бойынша өзгерістер мен толықтырулар енгізу туралы» ҚР Заңдарының жобаларына тұжырымдамалар бойынша 410-отырысында сөз сөйлегенін атап өтеміз.

Ұлттық Банк қолма-қол ақшасыз конверсиялық операциялар нарығында алып-сатарлықтың санын төмендетуге ниеттеніп отыр – О. Смоляков

Бүгін ҚР Ұлттық Банкінің Төрағасы Олег Смоляков Заң жобалау қызметі мәселелері жөніндегі ведомствоаралық комиссияның отырысында сөз сөйлеген кезде «Валюталық реттеу және валюталық бақылау туралы» заң жобасын қабылдау қажеттілігін атап өтті.

Оның айтуынша, бұл заң жобасы, сондай-ақ «Қазақстан Республикасының кейбір заңнамалық актілеріне валюталық реттеу және валюталық бақылау мәселелері бойынша өзгерістер мен толықтырулар енгізу туралы» заң жобасы бірқатар міндеттер шешуге мүмкіндік береді. Мысалы, Қазақстанның ДСҰ-ға кіруін ескере отырып «резидент», «уәкілетті банктер» және басқа ұғымдар нақтыланатын болады. О Смоляковтың айтуынша, ерекше құқықтық режімі бар аймақтардың (АХҚО, «Қорғас» ХШЫО) аумағында олардың қатысушылары ретінде тіркелген адамдар жүзеге асыратын операцияларға валюталық заңнаманың талаптары жеңілдетіледі. Сонымен қатар ерекше құқықтық режімі бар аймақтардың дамуына орай туындайтын «ерекше құқықтық режімі бар аймақ», «ерекше құқықтық режімі бар аймаққа қатысушылар» сияқты жаңа ұғымдар пайда болады.

Бұдан басқа, валюталық заңнаманың талаптарына байланысты, бизнес үшін кейбір рәсімдер жеңілдетілетін болады. «Заң жобаларында қолма-қол ақшасыз конверсиялық операциялар нарығында алып-сатарлықты шектеу мақсатында жедел шаралар қабылдауға Ұлттық Банк үшін өкілеттіктер белгілеу ұсынылады, – деп толықтырды О. Смоляков. – Сондай-ақ бағалы қағаздар нарығына кәсіби қатысушылар үшін биржалық валюта нарығында қолма-қол ақшасыз конверсиялық операцияларға қолжетімділік кеңейтіледі және биржадан тыс валюталық нарыққа қатысушылардың қызметі үшін, атап айтқанда ұсынылатын қаржы өнімдері бойынша жарнама және басқа ақпарат тарату бөлігінде құқықтық шектер айқындалады».

«Заң жобаларын қабылдау теріс құқықтық және әлеуметтік-экономикалық салдарға әкеп соқтырмайды, сондай-ақ мемлекеттік бюджеттен қаржылық шығындарды талап етпейді», – деп атап өтті ҚР Ұлттық Банкінің өкілі.

Толығырақ ақпаратты мына телефондар бойынша алуға болады:

+7 (727) 2704 585

+7 (727) 2704697

e-mail: press@nationalbank.kz

www.nationalbank.kz